

Шерзод ЭГАМКУЛОВ олган суратлар.



Besh tashabbus — Bosh tashabbus



JIZZAX YOSHLARI

ANGLIYAGA TA'LIM SAYOHATI

Gazetamizning avvalgi sonlarida Jizzax shahridagi 22-maktab o'quvchilari Prezident sovrini uchun o'tkazilgan "Xorijiy tillarni o'qitish bo'yicha eng yaxshi maktab" tanlovining final bosqichida 1-o'rinni egallagan haqida xabar bergan edik. Ular 500 mln so'm miqdorida pul mukofoti bilan taqdirlanishdi. Bundan tashqari xorijga ta'lim sayohati ham belgilangan edi. Jizzaxlik o'quvchilar va ularning yutuqlariga katta hissa qo'shgan ingliz tili o'qituvchisi Angliyada bir haftalik ta'lim sayohatida bo'lib qaytishdi.

— Sayohat davomida London va Oksford shaharlarida bo'ldik, — deydi o'qituvchi Madina Urdu-sheva. — Dastlabki kuni Temza daryosida kruiz sayri, London minorasi va xiyobonlarni aylandik. Menga shaharda tarixiylik va zamonaviylikning uyg'unlashgani juda yoqdi. Leyb gvardiya, otliq kavaleriya vakillarining necha yuz yillardan beri saqlanib kelinayotgan libosda shahar bo'ylab jamoat

taribini nazorat qilib yurishi Londoning o'ziga xosligini belgilaydi. Ular bilan Qirollik oilasining Winter qasri tashqi qismida suratlariga tushdik. Qasr tarixan qirol oilasiga tegishli bo'lib, uning sayyohlar uchun ochiq qismida ham ko'plab nodir san'at asarlari ko'rgazmalari bor.

Safarimizning uchinchi kunidan Ardmor kollejida o'quv mashg'ulotlarida qatnasha boshladik.

O'quvchilarimiz — Munisa Bo-boqulova, Shahina Bahodirova, Fotima Bahromova, Aziz Ibdul-layev, Maraton Mirzaqulov turli davlatlardan kelgan maktab o'quvchilari bilan Angliya tarixi, madaniyati, san'ati kabi mavzularda qiziqarli ma'ruzalar tinglashdi. Ingliz tili o'rganishni rivojlantiruvchi darslarda qatnashishdi. Shuningdek, har kecha madaniyat kunlari, debat va musobaqalar tashkil etib borildi. Biz ham O'zbekiston madaniyati mavzusida qiziqarli taqdimotni dunyo davlatlari vakillariga namoyish etdik. Bizning milliy liboslar, an'ana va udumlar, boy madaniy-tarixiy merosimiz barchada katta taassurot qoldirdi.

Oksford shahriga sayohat ham unutilmas bo'ldi. Bu universitet va maktablar shahri. Har qadamda qaysidir nufuzli ta'lim dargohi, uning filiali, kutubxonalar, mutolaa uchun maxsus joylar... Ilmga havasi oshadi kishining. O'quvchilar bi-



lan har bir o'tgan kunni sarhisob qildik. Ular kelajakda shu kabi yuqori reytingga ega oliy o'quv yurtlarida o'qishni niyat qilishdi.

Ta'lim sayohati Prezidentimiz tomonidan yoshlarni rag'batlantirish maqsadida amalga oshayotgan eng samarador motivatsiyalardan biri. "Jadidlar izidan", "Turron" teatr maktabi kabi tanlovlar g'oliblari ham shu tariqa mukofotlanmoqda. Maktab o'quvchilari bilim va iqtidori orqasidan chet

davlatlarda qadrlil va qimmatli mehmon sifatida bo'lib qaytishmoqda. Avvalo, bunday tengsiz imkoniyat uchun Yurtboshimizga minnatdorlik bildiraman hamda barcha yoshlarni ilm olish, chet tillarini o'rganish va o'z qiziqishlarini rivojlantirish ustida izlanishga chorlayman. Yurtimizda ilmiy yoshlar qadrlanadi.

Muqaddas SAPAROVA.
(Jizzax haqiqati")

ILG'OR PEDAGOGLAR

Prezidentimiz tomonidan ilgari surilgan 5 ta muhim tashabbus yoshlarimizga bo'lgan e'tiborni yanada kuchaytirish, ularni madaniyat, san'at, jismoniy tarbiya va sportga keng jalb etish, ularda axborot texnologiyalaridan foydalanish ko'nikmalarini shakllantirishdan iborat.

“Eng yaxshi mehnat muhofazasi bo'yicha vakil”

Yurtboshimizning uchinchi tashabbusi aholi va yoshlar o'rtasida kompyuter texnologiyalari, internetdan samarali foydalanishni tashkil etishga qaratilgan. Bu borada Ichki ishlar vazirligi Jizzax akademik litseyida ham tadbirlar, ko'rik-tanlovlar, seminarlar, viloyatimizning taniqli professor-o'qituvchilari, adiblar bilan hamkorlikda uchrashtirishlar bo'lib o'tmoqda. Ayniqsa, darslardan bo'sh vaqtlarda o'quvchilar to'g'arak mashg'ulotlariga jalb etilib, "Bir million dasturchi" loyihasi doirasida bepul onlayn kurslar orqali o'z bilimini mustahkamlamoqda. Mana shunday mashg'ulotlarda jonbozlik ko'rsatayotgan ustoz, ijodkor o'qituvchilardan biri Shavkat Djurayevdir.

Shavkat Djurayev 1982-1989-yillarda Jizzax davlat pedagogika institutining matematika fakultetida ta'lim olgan. Ilk mehnat faoliyatini 1989-yilda Jizzax tumanidagi 19-o'rt maktabda o'qituvchilikdan boshlagan. Keyinchalik Jizzax shahridagi 10-maktabda, Jizzax tibbiyot kollejida, Jizzax viloyat pedagog kadrlarni qayta tayyorlash va malakasini oshirish instituti masofadan o'qitishning hududiy muvofiq-lashtirish bo'limi koordinatori, Jizzax davlat pedagogika instituti qoshidagi 2-son akademik litseyida informatika va axborot texnologiyasi fani o'qituvchisi sifatida ko'p yillar samarali faoliyat olib borgan. Ustoz o'quvchilarga ta'lim berish bilan bir qatorda o'z ustida ishlaydi va mun-tazam malaka oshirish kurslarida bilimni boyitib boradi. Jumladan, 2009-yil iyul oyida Germaniya davlatining Berlin shahrida "O'zbekiston Respublikasi xalq ta'limi sektorini rivojlantirish" bo'yicha davlat loyihasi asosida bir oy muddatga asosida oshirishda bo'lgan.



2017-yildan hozirgi kungacha O'zbekiston Respublikasi Ichki ishlar vazirligi Jizzax akademik litseyida informatika va axborot texnologiyasi fani o'qituvchisi vazifasida ishlab yuzasidan respublika ko'rik-tanlovi'ning "Eng yaxshi mehnat muhofazasi bo'yicha vakili" nominatsiyasida II darajali diplom bilan taqdirlandi. Aslida bu yutuqlarning zamirida munosib mehnat sharoiti, ustozning salohiyati, ilmini va kasb malakasi yotibdi, albatta.

Olim AVALBOYEV,
IIV Jizzax akademik litseyi
“Umumta'lim fanlar”
kafedras boshlig'i, dotsent.
Nargiza SOLIYEVA,
jismoniy tarbiya
fani o'qituvchisi.

MUTOLAA MADANIYATI

Har bir insonning jamiyatdagi mavqei uning ongli yashashga intilishi, o'z oldiga ijobiy maqsadlar qo'ya olishi bilan belgilanadi. Ayniqsa, bugungi axborotlar ko'lamini kengaygan, ijtimoiy ta'sirlar ortib borayotgan bir paytda odamiylik qadr-qimmatini muhofaza eta oladigan, yuksak ma'naviyat sari intiladigan, turli niqobdagi salbiy illatlar ta'siriga qarshi tura oladigan irodaga ega bo'lish muhim va ahamiyatlidir.

Tafakkur nafasi



va tanlovlariga ega bo'lish, aqliy anglashlarni hayotga tatbiq etish, intizomli, sog'lom mulohaza yuritish, ichki imkoniyatlarni keng safarbar etish mahoratlariga kitoblar orqaligina erisha oladi. Kitob o'qish barchamizning ma'naviy olamimizni boyitadi, so'zlashuv madaniyatimizni oshiradi. Buyuk shoir va mutafakkir Alisher Navoiy hazratlari yozganidek, "Kitob — beminnat ustoz, bilim va ma'naviy yuksalishga erishishning eng asosiy manbai".

Bugungi kunda tez-tez uchrab turgan xunrezliklar, jinoyatlarga olib keluvchi sabablar, hayotdagi muammoli vaziyatlar qarshisida sabr-bardosh, aql va oqillik bilan o'zligini saqlab qolish shaxsiy rivojlanishning asosiy odimlaridanidir. Axborot uzatish tezligi, internet va ijtimoiy tarmoqlar sifati qanchalik taraqqiy etmasin jamiyatda kitob, gazeta va jurnallarning o'rni ahamiyatli bo'lib qolaveradi. Zotan, inson tafakkuri faqat va faqat mutolaa bilangina uyg'unadi, nafas oladi va yuksaladi.

Yaxshilik GULBAYEV,
Jizzax politexnika
institutining dotsenti.
Feruza KARIMOVA,
katta o'qituvchi.

Kishi kutilmagan vaziyatlarda to'g'ri qaror qabul qilish, o'z fikri

Muzeyga tashrif ortmoqda

Bolalar ta'tilda



Ma'naviy yetuk, komil insonni tarbiyalashda muzeylarning o'rni nihoyatda beqiyos. Zero, muzeylarda saqlanayotgan tarixiy ashyolar, nodir qo'lyozmalar, hujjatlar avlodlarga tarixdan, ajdodlarimiz hayoti, yuksak ma'naviyatidan hikoya qiladi. Bu esa yoshlar qalbida ota-bobalarimiz qoldirgan merosga hurmat, e'zoz va muhabbat tuyg'usini uyg'otish bilan birga, ularda shu aziz Vatanga munosib farzand bo'lish tuyg'usini ham shakllantiradi.

Jizzax viloyati tarixi va madaniyati davlat muzeyi ayni kunlarda ta'lim muassasalarining o'quvchilari bilan gavjum. Muzeyimizda tashkil etilgan uchrashuvlar, davra suhbatlari o'quvchilarda katta qiziqish uyg'otmoqda. Yaqinda Jizzax shahridagi 10-umumta'lim maktabi hamda ichki ishlar vazirligiga qarashli akademik litseyning o'g'il-qizlari ham muzeyimizga tashrif buyurishdi. Ayniqsa, sayohat davomi-

da o'quvchi-yoshlar bilan viloyatimiz tarixi, madaniyati hamda vatanni himoya qilish naqadar sharaflil kasb ekanligi to'g'risida muzey xodimlari bilan o'tkazilgan davra suhbatida qiziqarli ma'lumotlar berildi.

Barno SINDAROVA,
Jizzax viloyati tarixi va madaniyati
davlat muzeyi sektor mudiri.

FUTBOL

Jahon chempionati sari yo'l

Futbol bo'yicha 2026-yilgi Jahon chempionati AQSH, Meksika va Kanada yashil maydonlarida bo'lib o'tadi. Osiyo qit'asida Jahon chempionati 3-saralash bosqichining 8-turidan o'rin olgan uchrashuvlar o'tkazildi. "A" guruhida g'oliblik uchun kurashayotgan Eron va O'zbekiston terma jamoalari o'zaro kuch sinashdi. Uchrashuvda jangovar durang 2:2 hisobi qayd etildi.

Ushbu bahsda har ikki jamoa vakillari ham hujumkor o'yin namoyish etdi. Dastlab Eron terma jamoasi shiddatli hujumlar uyushtirib, o'zbekistonlik futbolchilarni shoshirib qo'ydi. Lekin terma jamoamiz futbolchilari Abduqodir Husanov, Umar Eshmurodov, Rustam Ashurmatov himoya chizig'ida ishonchli o'yin ko'rsatishdi. Darvozabon O'tkir Yusupov ham bir necha vaziyatlarda jamoani muqarrar gollaridan qutqardi. Nihoyat, o'zbek futbolchilarining 16-daqiqada uyushtirgan hujumi samara berdi. Hojimat Erkinov raqib darvozasini ishg'ol etdi. Birinchi bo'limda ana shu hisob saqlanib qoldi.

Ikkinchi bo'limda ham O'zbekiston terma jamoasi hujumlarni to'xtatmadi. Maydon egalari ham hisobni tenglashtirishga astoydil kirishdilar. Nihoyat 51-daqiqada Mehdi Taremining zarbasidan so'ng hisob 1:1 ko'rinishiga keldi. Terma jamoamizning yarim himoyachisi Abbosbek Fayzul-layev oradan 4 daqiqa o'tgach Eron darvozasiga to'p kiritdi. Shundan so'ng vakillarimiz yana bir necha vaziyatlarda hisobni oshirish imkoniyatiga ega bo'lishdi. Ammo zarbalarda anqlik yetishmadi. Uchrashuvning 82-daqiqasida Mehdi Taremining yana omadi chopdi. O'tkir Yusupov qo'riqlayotgan darvozani aniq nishonga oldi. Hisob 2:2. O'yin yakuniga ushbu hisob o'zgarmadi.

Shuningdek, bu guruhda Qirg'iziston o'z maydonida Qatarni 3:1 hisobida yenggan bo'lsa, KXDR va BAA terma jamoalari bahsi 1:2 hisobida yakunlandi.

Viloyat Adliya boshqarmasi tomonidan Jizzax viloyati karate milliy federatsiyasiga 1998-yil 2-dekabrda 54-raqam bilan berilgan jamoat birlashmasi ustavi ro'yxatga olinganligi haqidagi guvohnomaning yo'qolganligi sababli **bekor qilinadi.**

Bosh muharrir Bahodir NAZAROV

Jizzax viloyati matbuot va axborot boshqarmasidan 2018-yil 7-dekabrda 06-038 raqami bilan ro'yxatdan o'tgan.

ISSN 2010 7730. Qog'oz bichimi A-2, hajmi 2 bosma taboq. Guvohnoma № 14-2588

QABULXONA — (72) 226-40-65.

XATLAR — (72) 226-18-10,
REKLAMA va E'LONLAR — (72) 226-18-10.

Navbatchi muharrir: V.ILYOSOV.

Gazeta operatorlari: A.NORBOYEV, D.SADIROV.
Musahhih: B.HAMIDOVA.

Tahririyat besh qog'oz hajmgacha bo'lgan qo'lyozmalarni qabul qiladi. Qo'lyozmalar taqriz qilinmaydi va muallifga qaytarilmaydi. Reklama va e'lonlar matni uchun tahririyat javobgar emas.

— tijorat materiallari

Gazeta «ERUDIT» MCHJ bosmaxonasida chop etildi. Korxona manzili: Samarqand shahri, Spitamen ko'chasi, 270-uy.

Shartnoma bo'yicha topshirish vaqti — 17.00. Topshirildi — 16.30



Buyurtma № 174
Adadi: 9649 nusxa.
Sotuvda kelishilgan narxda.

https://t.me/jizzaxnews_press